

Fwen Fuengzre Binghraq Sinhgvanh Feiyenz

Canghyw Husw Dwkthingz Ma

Loz Dauh / 罗滔

Bineix seizein bonj vuenheij,
Mbouj ngeix raqyak fat Vujhan;
Rinndaek gik hwnj cien cik langh,
Nangqdaengz namz baek caeuq sae doeng.

Cunghyangh riengjvaiq guh gietdingh,
Vujhan fung singz raemj goek raek;
Baihgwanz roengzlingh bang Huzbaek,
Daengx guek sikhaek caez hengzdoengh.

Gwnzmbwn feihgih soengq canghyw,
Hojceh hwnzngoenz daeh haeux byaek;
Cien bing fanh max comz Huzbaek,
Yaek gaj binghdoeg bauj guek an.

Cib ngoenz guh baenz Hojsinzsanh,
Bangxhenz Leizsinz yaep couh baenz;
Fanghcangh Yihyen aen daeb aen,
Ligliengh cien gaen moeb raqfangz.

Canghyw mbouj lau boubxbingh naek,
Husw haethaemh mbouj yietnaiq;
Mbouj ngeix swlgeij lix rox dai,
Ndaw sim dan geiq lai gouq vunz.

Daengx guek lwgminz caez roengzrengz,
Doxgiet cihyenz swngj Huzbaek;
Hwnzngoenz daehyinh soengq haeux byaek,
Mbouj you gijgwn saek ndaw singz.

Gak yiengh yw moq laebdaeb ok,
Cungh Sih doxgap gvaq nanzgvanz;
Boubxbingh ndang ndei ndaej maranz,
Rangh riu rangh byaij angqvauvau.

Dwkthingz raqyak bak va langh,
Ronghsag Vujhan caen vuenyungz;
Duet bae goujcau byaij roen hung,
Gwnz naj riunyumj coux rumzcin.

Canghyw husw ma soudoih,
Henz loh baiz doih coux yinghyungz;
Bohmeh beixnuengx angq gotumj,
Gwnz naj riunyumj raemxda lae.

Moeb dai raqyak hoenx hingz bingh,
Rumzcin ci daeuj yienghyiengh moq;
Gak guek lajmbwn caez cukhoh,
Yinzminz Cunghgoz goenglauz hung.



Youqranz Gekliz, Boubxbox Dingj Raq

Fwn'iq Rumzswnh sij ciengq Mbwn Heunaunau hoiz

Dangqnaj binghraq caen yiemzhaenq,
Cwngfuj haucau aeu dingqgangj;
Gat goenq goekdoeg caez okrengz,
Boubxbox ndangdaej cij ndaej cangq.

Fapgvi boubxbox daeuj ciuqsouj,
Youq ranz ra huq daeuj conzrom;
Caj daengz seizraeuj bak va hai,
Daihgya angqyangz caiq doxcomz.

Sinhgvanh binghdoeg rox cienzlah,
Daihgya ciengeiz aeu haeujsim;
Okdou boubxbox daiq goujcau,
Binghraq miz ngoenz ndaej hoenx hingz.

Gangjmingz: Fwen neix dwg Fwennaizdou Hwnzgyen, youq saw ceiqlaeng coenz daihngeih caeuq coenz daihseiq haeujsinh.

Gyuek Boengz Dajcaemx Angq

Mungz Ningz / 蒙宁

Diuz rij raemx sawdikdik ndeu,
daj gyang doenghnaz bingzbdwbwd naj
mbanj dou lae gvaq. Ndawde miz
vaengz haemq gvangq, dwg gizdieg
dajcaemx vunzmbanj.

Song mbiengj rij cungj dwg
nazboengz, baez daengz seizhah,
nazboengz couh baenz gizdieg ndei
guhcaemz guh'angq gyoengq nyzsai
dou lo. Dou baez doek baez loq
aenndang diuq haeuj ndaw nazboengz

bae, lumj duz vaiz nei, youq ndaw
nazboengz gyuek bae gyuek dauq,
gyuek ndaej naezboengz haeuj ndaw
ndaeng ndaw bak bae, daengx
aenndang cawz song cehda, gizgiz
gyuek nem naezboengz. Baenzneix
cij ndaej benz daengz henz rij, caez
doengzseiz diuq roengz ndaw rij.
Daihgya youq ndaw rij doxgonh, yawj
byawz ndaej swiq seuq naezboengz
gwnz ndang gonq. Swiq seuq le, youh

buat bae ndaw nazboengz dajringx,
gyuek naezboengz rim ndang, caiq
diuq haeuj ndaw rij bae swiq.
Baenzneix fanfuk, cungj roxninh
angqvauvau.

Gyuek naezboengz baeg le,
daihgya couh doxdax ndaemraemx,
hag youzraemx.

Guh ndaemraemx doxdax,
mboujgvaq dwg doxdax byawz sup
gaemz heiq ndeu caem youq ndaw
raemx ndaej ceiq nanz, cix mbouj
doxdax byawz ndaem ndaej ceiq laeg.
Raemx ndaw rij mbouj laeg, giz ceiq
laeg cij daengz laj hangz, mboujnex,
bouxlaux hix mbouj cuengqsim hawj
dou bae ndaw rij guhcaemz. Seiz
doxdax ndaemraemx, youz boubx ndeu
youq gwnz hamq guh caizbuenq, dingq

caizbuenq hemq hainduj le, daihgya
couh doengzseiz ndaem roengz ndaw
raemx bae, aen'gyaeuj byawz ceiq
laeng loh ok gwnz raemx daeuj couh
suenq hingz.

Hag youzraemx couh engq
mizyinx lai lo. Dou sien cug gaenj
song ga vaq, caiq dawz gyaueuj vaq aj
gvangq, coh baihlaj baez goemq,
dungh vaq couh cang heiq rim le,
seizneix sikhaek dawz gyaueujvaq cug
gaenj, geu vaq couh lumj aen anmax,
dou dawz aen'aek gwih youq gwnz
"anmax", fwngz luenh vad, ga luenh
dik, couh yienghneix hag youzraemx.
Ngoenz bae ngoenz dauq, bi bae bi
dauq, aenvih seiziq gou youq henz rij
guhcaemz majhung, doeklaeng couh
caen hag rox youzraemx lo.

"Cangh Feih vaiqdi daeuj ha!"
Ah Giuh riu dwk swenj, de gaenq
daengj gaiq benj nduk ndaw fwngz
youq gwnznamh, aiq dwg naek lai song
gen nanggaux caez. Gou haeujsim
yawj gaiq benj nduk de, ai! Yienzlaiz
dwg gaiq benj nduk gaenq hwnj mwt
duh faexhanxyaeu.

"Cangh Feih, gou guh ginhswh
mingling mwngz vaiqdi bae hoenx!"

Ah Veij gwih youq gwnz
saeceijrin, mingling gou.

"Gou mbouj guh Cangh Feih!"
Gou sawqmwh mbouj angq lo,
roxnyinh bonjfaenh beij de maenh'ak,
de suenq maz ne, gingqyienz mingling
gou? Haxbaenh ukgyaeuj luenhgawh,

Sawcuenhraz Lwgnyez

Gij Golwngnyez Henz Dahhoengz

Lanz Haijyangz Moz Beibei / 蓝海洋 莫蓓蓓

seizneix caen guh Cangh Feih lo,
mbouj saetnaj ha?

"Ah Veij," gou byaij doxdauq
doiq Ah Veij gangj: "Gou guh Gungj
Mingz, mwngz guh Cangh Feih! Bae!"

Ah Veij nyengh lo, da daengx
gou, de deng gou fwt bienqyiengh hwk
lo, doq cam:

"Mwngz yaek caufanj? Dah-
raix!"

"Mwngz hoed lai!" Gou nyinh-
caen naeuz: "Gou dwg Cuhgoz Lieng,
rox lwi? Mwngz cij dwg Cangh Feih!
Danghnaeuz mwngz mbouj dingq gij
vah gou, cij heuhguh cauhsanj lo!"

"Gou mbouj nyienh guh Cangh

Feih." Ah Veij doi naeuz.

"Cangh Feih vaiqdi daeuj ha!"
Ah Gunh gig daekaiq hemq: "Gou Lij
Bu cingq deq ne! Sou miz mbouj miz
Cangh Feih?"

"Vaiqdi ok fwngz!"

Gou vaxvad couh daj gwnz
saeceijrin rag Ah Veij roengzdaej.

"Ndei, Ah Veij dwg Cangh
Feih!" Ah Cang hemq.

"Gvaqdaej a!" Ah Gunh yaengx
sang nyecuk, gig vifung.

"Lij Bu mwngz gaej daekaiq lai!"
Gou gwih hwnj gwnz saeceijrin, vix Ah
Gunh naeuz: "Cangh Feih dou bae ra
fagnangx lo."

(caengz sat)